



bibliotheken graubünden
bibliotecas grischun
biblioteche grigioni

Biblioteca Casa de Mont Laax

Rapport annual 2019

Occurenzas e termins

2018: Marionna Tschuor ha collaborau ella gruppa che prepara il pool da datas per “biblio.gr - Rait da catalogs da las bibliotecas communalas e da scola en il chantun Grischun“. Ils 16 da schaner ha giu liug la radunonza constitutiva.

23 da schaner: Marionna Tschuor representa la biblioteca alla sentupada annuala dallas responsablas dallas bibliotecas dalla Surselva a Vella.

8 da fevrer: Biblioteca pintga: Angela Weishaupt raquenta “*Olles Reise zu König Winter*”.

20 da fevrer: Claudia Andreoli Jäger e Marionna Tschuor ein stadas alla radunonza annuala da leger.GR a Landquart. Suenter la radunonza ha ei dau ina prelecziun da comic cun Frida Bünzli.

6 da mars: La menadra ei stada presenta alla sentupada annuala dallas responsablas da biblioteca dil Grischun a Cuera.

12 d'avrel: Biblioteca pintga: Nadia Cathomas e Flurina Cantieni raquantan la historia “*Ein Fall für Frieda Osterhase*” als affons da tarmagliera, scoletta ed 1. classa..


4 e 13 da zercladur: Claudia Andreoli e Marionna Tschuor frequentan dus cuors d'instrucziun per utilisar il niev sistem da cataloghisar RDA. Il niev sistem, el spargna bia uras da cataloghisar, vegn installaus ils 18 da zercladur.

13 da settember: Biblioteca pintga duont l'jamna da biblioteca: Angela Weishaupt raquenta “*Maria Muntaniala*”.

28 d'october: Las bibliotecaras da Laax fan in'exkursiun a Sogn Gagl per cumprar cudischs novs e per passentar in di comunablamein.

29 da november: Biblioteca pintga: Il casperet da Mustér ha puspei visitau nus e procurau per egls tarlilschonts tier ils affons dallas scolettas ed dalla 1. e 2. Classa.

11 da december: Til da latiarnas e biblioteca pintga: Ina gronda roscha affons dallas scolettas e dalla termagliera han participau al til da latiarnas organisaus da l'Uniun da dunnas. En baselgia ha Nadia Cathomas raquintau ad els la historia “*Ina casa per tuts*”.





General

- La scaffa da cudisch a Laax sper il Lag Grond vegn apreciada fetg duront igl entir onn. Medemamein la scatla da cudischs a Schluein el quartier Buortga dil matg tochen igl october.
- Las occurrenzas «Biblioteca pintga» vegnan mintgamai visitadas da ca. 20 affons. Mintgagada san els era aunc malegiar ni zambergiar zatgei pign per prender a casa.
- 2019 vein nus schau squitschar prospects per far reclama per nossa purschida.
- Il 2019 havein nus
 - cumprau 508 medias.
 - empristau 10'357 medias, danovamein: in record. Vitier aunc 956 emprests tier dibiost (digital).
 - vendiu 171 abonnements, da quels 111 a Laax.

Bien engraziament:

- a mias collegas Claudia Andreoli Jäger, Elisabeth Coray, Prisca Coray, Barbara Rupp e Petra Tuor pigl engaschi e per la buna collaboraziun. In engraziament special a mia substituta Elisabeth per far la contabilitad;
- alla cumissiun dalla biblioteca, alla vischnaunca politica ed alla Fundaziun Pro Laax per la confidanza e per il sustegn;
- a nossa clientella per lur interess, per lur visetas e pil far diever da nossa biblioteca da vischnaunca e da scola.

Marionna Tschuor-Coray, menadra

Laax, ils 12 d'avrel 2020

